

3 JON

Jon kipihac wê vông yon ge

¹ A lig Gaias, a wê gyovixa ge, a kivuu kiyang ga vô ông wê a xêgyaa vin lec ông hixôn nôn ge.

² Lig, a kitaa lec ông bê ông yuac vihati i vô niviha di ôcông va dô nimviha i tiyi xochê ông kinum dô niviha ge. ³ Ên lige vông vinên ya val vô a mi nêl ông kitong vô a nêbê Anutu kiyang nôn hivun ông xôn di ông mi loc hixôn kiyang nôn. Mêgem a ngô kiyang wê he nêl lec ông ge di a xêgyaa vô niviha, ⁴ ên a obêc ngô wê a nuge tup vô Anutu kiyang nôn bêge ge, od ge wê ob vông a xêgyaa vô niviha yang luu kiyang baba vêl.

Yuac niviha wê Gaias vông ge

⁵ O a lig Gaias, ông môt niviha lee yêp vac ôcông va bom, ên ông mi viac lige vông vinên niviha, di tibii vông vinên ya obêc val vac vigwe ti lêc ông lungên he ge, od ông mi viac he niviha êno. ⁶ Mêd he val nêl ông kitong vô konglegesen ga ên nêbê ông vông môt xêyaa vin lecên niviha vô he. Om ông obêc xovô Anutu yuac wê he vông ge di viac he ya susu wê ob ngidu he xôn vô môt ge od obêc niviha. ⁷ Ên he kô Yesu lê di la vilee vac vigwe ya, lêc he o kô susu wê ob ngidu he xôn ge ti vô tibii madiluhu lêm. ⁸ Om yuac yêp vô icil va ên nêb il ob ngidu xomxo bêge xôn, êdêc il xôn vông yuac lec Anutu kiyang nôn.

Kiyang lec Daiotlepis yuu Demitlias

⁹ A kivuu kipihac ti mi vông i loc vô konglegesen vac ông bom, léc Daiotlepis wê mi yong i ên nêb ob tu xam nêb levac ge nêb ob ngô a kiyang lêm. ¹⁰ Om buc wê a obêc miloc vô xam ge, od a ob nêl i môp wê mi vông ge kitong vô xam, ên xomxo tige mi nêl kiyang nipaên vaxvax lec xe. Léc o vông môp tige tixed lêm. Nge, vông môp nipaên hixôn bêga nêbê ici va nêb ob hôm xomxo vông vinên wê val vac xam bom ge lec lêm, di lime wê nêb ob hôm xomxo tigelec ge, Daiotlepis mi le vac he xôn di tii he la vêl ên konglegesen.

¹¹ Om a lig Gaias, ông o léc timu vô xomxo wê mi vông môp nipaên ge lêm. Nge, ông timu vô môp nivîha. Ên xomxo wê mi vông môp nivîha ge, ge wê tu Anutu xe, di xomxo wê mi vông môp nipaên ge, he o xovô Anutu lêm. ¹² Di lim Demitlias ge, xomxo vihati kô i lê lec, di Demitlias timu vô kiyang nôn wê Anutu vông ge, om môp tigelec nêl i kitong nêb i xomxo nivîha. Di a êno pimil i, di ông xovô pyap ên ông nêbê kiyang wê a nêl ge, kiyang nôn vixôhilôg.

Kiyang myahîpu timuên

¹³ Kiyang tibeac yêp wê a ob nêl vô ông ge lê, léc a nêb a ob kivuu lec kipihac lêm. ¹⁴ Nge, a nêb a ob seb loc vô ông dèc u xôn keac lec.

¹⁵ Ông nilôm i dô nivîha. Di lime wê dô hixôn a ga nêb a nêl vidiiên vô ông. Di a, Jon nêb ông loc nêl vidiiên vô lige wê dô hixôn ông ge.

Yesu Xolac
The New Testament in the Patep Language of Papua
New Guinea
Nupela Testamen long tokples Patep long Niugini

copyright © 1986 Wycliffe Bible Translators, Inc.

Language: Patep

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-14

PDF generated using Haiola and XeLaTeX on 11 Nov 2022 from source files dated 9 Oct 2020

3d2c844d-4bc8-590b-bbf2-3a5fcd1f7ad8